

Na osnovu člana 5. Zakona o proračunima – budžetima u Federaciji BiH (“Službene novine Federacije BiH”, broj broj 102/13, 9/14, 13/14 i 91/15), na osnovu člana 13. stav 2. i člana 18. Zakona o principima lokalne samouprave u Federaciji Bosne i Hercegovine (“Službene novine Federacije BiH”, broj 49/06) i člana 30. Statuta općine Jajce (“Službene novine općine Jajce”, broj: 3/08) Općinsko vijeće općine Jajce, **na redovnoj sjednici održanoj2021. godine, donijelo je:**

N A C R T

O D L U K U

o izvršenju Budžeta/Proračuna općine Jajce za 2022. godinu

I – OPĆE ODREDBE

Član 1.

Ovom Odlukom uređuje se struktura prihoda, rashoda i izdataka Budžeta/Proračuna općine Jajce za 2022. godinu (u daljem tekstu Budžet/Proračun), izvršavanje Budžeta/Proračuna, upravljanje prihodima i izdacima Budžeta/Proračuna, prioriteta plaćanja, obim zaduživanja i garancije, prava i obaveze korisnika budžetskih sredstava, ovlaštenja Načelnika, Službe finansija/financija, u izvršavanju Budžeta/Proračuna za tekuću godinu.

Član 2.

Opći dio Budžeta/Proračuna sastoji se od bilanse prihoda, rashoda i izdataka, a poseban dio sadrži detaljan raspored izdataka po budžetskim korisnicima i vrsti izdataka.

U bilansu prihoda i izdataka iskazuju se porezni i neporezni prihodi i drugi primici te izdaci utvrđeni na osnovu zakona i općih akata, za finansiranje javnih potreba, na nivou općine Jajce (u daljem tekstu: Općina).

PRIHODI

- porezi koji su utvrđeni Zakonom
- neporezni prihodi utvrđeni Zakonom i Odlukama Općinskog vijeća
- tekuće potpore (inostranstvo, Federacija BiH, Kanton i od pravnih i fizičkih lica)
- kapitalni primitci

RASHODI

- za zaposlene (plaće, naknade plaća, izdaci za materijal i usluge)
- tekuće potpore (grantovi)
- kapitalni izdaci
- tekuća rezerva
- Utrošak akumuliranog suficita

II – TRANSPARENTNOST I JAVNOST BUDŽETA/PRORAČUNA

Član 3.

Budžet/Proračun prikazuje ukupno i po budžetskim korisnicima sve javne prihode i javne izdatke po računima računskog plana.

Izvršenje budžeta/proračuna ukupno i po budžetskim/proračunskim korisnicima objavit će se u “Službenim novinama općine Jajce”.

III – REVIZIJA I KONTROLA BUDŽETA/PRORAČUNA

Član 4.

Reviziju Budžeta/proračuna općine Jajce za 2022. godinu vrši Ured za reviziju u skladu sa Zakonom o budžetima – proračunima u Federaciji Bosne i Hercegovine (“Službene novine Federacije BiH”, broj 102/13, 9/14 i 13/14). Nadzor nad upotrebom budžetskih sredstava od korisnika obavlja Služba za finansije/financije općine Jajce na način propisan Zakonom o finansijskom upravljanju i kontroli u javnom sektoru u FBiH (“Službene novine FBiH”, broj 38/16 od 18.05.2016.), Uredbom o računovodstvu Proračuna/Budžeta u Federaciji BiH od 24. aprila 2014. (“Službene novine Federacije BiH”, broj 34/14 od 07.05.2014.) i Odlukom Općinskog vijeća ili nalogom od strane Načelnika Općine.

Služba za finansije/finansije dužna je podnositi izvještaj o izvršavanju Budžeta/Proračuna Općinskom načelniku, a načelnik izvještaj dostavlja Općinskom vijeću.

IV - IZVRŠAVANJE BUDŽETA/PRORAČUNA

Član 5.

Sredstva Budžeta osiguravaju se budžetskim/proračunskim korisnicima (u daljem tekstu: korisnici) koji su u posebnom dijelu Budžeta/Proračuna određeni kao nosioci sredstava na pojedinim pozicijama.

Korisnici budžetska/proračunska sredstva koriste samo za namjene koje su određene budžetom/proračunom i to do visine utvrđene u njegovom posebnom dijelu.

Član 6.

Finansiranje rada Općinskog javnog pravobranilaštva vršit će se između općine Jajce i Dobretići na osnovu potpisanog Ugovora.

Član 7.

Korisnici budžetska/proračunska sredstva koriste u skladu sa svojim godišnjim finansijskim planom, a po dinamici utvrđenoj tromjesečnim i mjesečnim planovima.

Član 8.

Korisnici moraju, pri dogovaranju o uvjetima za ispunjavanje obaveza koje se podmiruju iz budžeta/proračuna, uzimati u obzir utvrđenu dinamiku priliva i odliva sredstava u budžetu.

Član 9.

Postupak nabavke roba, obavljanja usluga i ustupanja radova mora se obavljati u skladu sa Zakonom o javnim nabavkama ("Službeni glasnik Bosne i Hercegovine", broj 39/14).

Član 10.

Budžet/proračun se izvršava na osnovu tromjesečnih i mjesečnih planova za izvršavanje Budžeta, a u skladu sa raspoloživim sredstvima, odnosno ostvarenim prihodima, čime se ujedno utvrđuje dinamika izvršavanja budžeta/proračuna.

Organi koji su nadležni za budžetske korisnike utvrđuju računске mjesečne planove izvršavanja izdataka u okviru odobrenih sredstava iz stava 1. ovog člana. Mjesečne planove odobrava općinski načelnik.

Član 11.

Korisnici preuzimaju obaveze za koje su sredstva namjenski iskazana u posebnom dijelu budžeta, ako je njihovo plaćanje usklađeno sa tromjesečnim i mjesečnim planom njegovog izvršavanja.

Korisnici su dužni prijedloge svojih mjesečnih planova (zahtjeva) dostavljati Službi finansija/finansija do 25. tekućeg mjeseca za sljedeći mjesec. Isti su u obavezi primjenjivati Pravilnik o unutrašnjoj organizaciji i sistematizaciji radnih mjesta, pravilnik o plaćama i naknadama plaća na koje je saglasnost dalo Općinsko vijeće.

Izuzetno u slučajevima neusklađenog priliva sredstava u Budžetu općine prema tromjesečnim i mjesečnim planovima izdataka, Služba za finansije općine može izmijeniti dinamiku doznake sredstava pojedinim korisnicima, uz saglasnost Općinskog načelnika.

Član 12.

Korisnici su obavezni Službi za finansije/finansije općine dostavljati tromjesečne planove za izvršenje budžeta/proračuna 15 dana prije početka tromjesečja kao i tromjesečne finansijske izvještaje sa obrazloženjem, a radi konsolidacije na nivou Općine.

Ako korisnik Službi za finansije/finansije ne podnese prijedlog mjesečnog finansijskog plana u roku iz stava 2. člana 11., mjesečni plan za tog korisnika utvrđuje Služba za finansije.

Služba za finansije/financije dužna je podnositi Općinskom načelniku tromjesečne, polugodišnje i godišnje finansijske izvještaje sa obrazloženjem u roku od najviše 60 dana od završetka svakog izvještajnog perioda.

Član 13.

Služba za finansije općine prenosi neutrošena sredstva po pojedinim pozicijama izdataka iz mjesečnog plana izvršavanja budžeta/proračuna na iste pozicije u naredni mjesečni plan izvršavanja budžeta/proračuna iste budžetske godine.

Član 14.

Iznimno izdaci koji nisu predviđeni mjesečnim planom izvršavanja Budžeta/proračuna ili izdaci koji zahtijevaju prekoračenje pojedinih stavki u mjesečnom planu izvršavanja Budžeta (u daljem tekstu: nepredviđeni izdaci) mogu se podmirivati uz saglasnost Općinskog načelnika, a na prijedlog Službe za finansije na teret budžetske rezerve.

Općinski načelnik daje saglasnost za isplate izdataka iz stava 1. ovog člana ako isplate proizilaze iz općinskog duga ili se zasnivaju na drugim obavezama preuzetih zakonom.

Član 15.

Sredstva raspoređena Budžetom/Proračunom ne mogu se preraspodjeljivati između općinskih službi ili drugih korisnika bez saglasnosti Općinskog načelnika.

Služba finansija/financija na prijedlog korisnika, uz saglasnost sa Načelnikom može donijeti Odluku o prestrukturiranju sredstava u okviru ukupnog iznosa odobrenog za korisnika, najviše do 10% ukupno odobrenih rashoda za korisnika.

Prestrukturiranje u okviru rashoda ne može se vršiti u korist povećanja plaća.

Ako pojedini korisnik ne bude mogao nepredviđene ili nedovoljno predviđene izdatke podmirivati iz vlastitih ušteda, Načelnik općine može na prijedlog Službe za finansije/financija, odlučiti da se ti izdaci podmire iz ušteda drugih korisnika ili smanjenjem sredstava na njihovim stavkama.

Član 16.

Općinski načelnik odlučuje o korištenju sredstava tekuće budžetske rezerve u iznosu od 130.000,00 KM.

Sredstva tekuće budžetske rezerve koristit će se za nepredviđene ili nedovoljno predviđene izdatke, a isplata se vrši prema donešenim Zaključcima Općinskog načelnika.

Općinski načelnik obavezan je najmanje dva puta (polugodišnje i godišnje) izvještavati Općinsko vijeće općine o korištenju sredstava tekuće budžetske rezerve.

Član 17.

Ako se u toku godine poveća djelokrug ili nadležnost budžetskog/proračunskog korisnika donošenjem novog propisa, što zahtjeva povećana sredstva, ili se osnuje novi korisnik, ili se povećaju izdaci za upošljavanje novih radnika/djelatnika sredstva za njihove izdatke obezbjedit će se iz tekuće budžetske rezerve, što odobrava Općinski načelnik.

Ako se u toku godine umanja djelokrug ili nadležnost korisnika budžeta/proračuna donošenjem novog propisa, što zahtjeva smanjenje sredstava, ili se korisnik ukine, neutrošena sredstva za njegove izdatke prenose se na tekuću budžetsku rezervu ili na korisnika koji preuzme njegove poslove, o čemu odlučuje Općinsko vijeće.

Član 18.

Sav prikupljeni i naplaćeni javni novac, koji pripada Budžetu/Proračunu Općine, obavezno se uplaćuje na depozitni račun javnih prihoda Budžeta.

Dječiji vrtić "Bare" će voditi evidenciju za obavljene usluge i kvartalno izvještavati općinskog načelnika o stanju u JU. Novac od uplata roditelja evidentirat će kao vlastiti prihod i isti trošiti za potrebe održavanja funkcionisanja javne ustanove.

Član 19.

Pogrešno ili više uplaćeni prihodi u Budžet/Proračun, vraćaju se na teret tih prihoda. Rješenje o tome donosi Služba za finansije. Povrat poreza na dohodak vrši se na teret pozicije povrat više uplaćenih sredstava.

Član 20.

Obračun plaća za državne službenike i namještenike u 2021. godini vršit će se na osnovu Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", broj: 45/10) i Odluke o plaćama i naknadama u organima uprave općine Jajce broj 01-01-6-2297/13 od 18.04.2013. godine u skladu sa Pravilnikom o plaćama i naknadama u organima uprave općine Jajce broj 02-11-12-9131/20 od 11.11.2020. godine (Sl. novine općine Jajce broj 1/21), sa utvrđenom osnovicom za 2021. godinu od 328,00 KM, i vrijednosti boda od 1,00 (sporazum načelnika i sindikalne organizacije broj 02-11-9538/20 od 01.12.2020. godine). Sredstva za naknade za ishranu tokom rada (toplog obroka) uposlenika planirana su u skladu sa članom 30. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", broj: 45/10) te u skladu sa Odlukom o plaćama i naknadama u organima uprave općine Jajce broj 01-01-6-2297/13 od 18.04.2013. godine i obračunavat će se u visini od 1% prosječne neto plaće ostavarene u Federaciji BiH po zadnjem statističkom podatku. Ostale naknade uposlenih (prevoz, regres, otpremnine, bolesti, smrti i dr.) u skladu sa Zakonom o plaćama i naknadama u organima vlasti FBiH ("Službene novine Federacije BiH", broj: 45/10). Doprinos na teret poslodavca izvršavat će se po obračunima primanja uposlenika u skladu sa Zakonom o porezu na dohodak, (Službene novine F BiH broj 10/08) i Pravilnika o primjeni odredaba Zakona o porezu na dohodak (Službene novine FBiH broj 67/08).

Član 21.

Pozicija 613000 Izdaci za materijal i usluge u iznosu od 1.276.000,00 KM realizirati će se za servisiranje direktnih troškova prema računima dobavljača za materijal i usluge isporučene općini Jajce i shodno obavezama naknada imenovanih komisija, OV, obaveza po ugovorima za stručno osposobljavanje i ugovora o djelu.

Nabavke se vrše u skladu sa Zakonom o javnim nabavkama FBiH.

Ekonomski kod	Naziv ekonomskog koda	Planirani iznos u KM
613100	Putni troškovi	10.000,00
613200	Izdaci za energiju	127.000,00
613300	Izdaci za komunikacije i komunalne usluge	61.000,00
613400	Nabavka materijala	60.000,00
613500	Izdaci za usluge prijevoza i goriva	35.000,00
613700	Izdaci za tekuće održavanje	20.000,00
613800	Izdaci za osiguranja i bankarske usluge	13.000,00
613900	Ugovorene usluge	500.000,00
613997	PDV u projektu Watsan	450.000,00
UKUPNO:		1.276.000,00

Pozicija 613900 – Ugovorene usluge u iznosu od 950.000,00 KM realizovat će se na finansiranje izdataka:

Konto	Naziv	Iznos u KM
613911	Usluge medija	20.000,00
613912	Usluge štampe	15.000,00
613914	Usluge reprezentacije	25.000,00
913922	Usluge stručnog obrazovanja	5.000,00
613932	Pravne usluge. Vještaci , advokati,	5.000,00
613934	Kompjuterske usluge	15.000,00
613941	Primarna zdravstvena zaštita-mrtvozornici	5.000,00
613973	Volonteri- stručno osposobljavanje	100.000,00
613974	Izdatci za rad komisija	100.000,00
613975	Skupštinski zastupnici	90.000,00
613976	Ugovori o djelu, izdatci za samostalne djelatnosti	40.000,00
613982	Izdatci za poreze i doprinose za isplate od samostralnih djelatnosti	65.000,00
613991	Ostale ugovorene usluge	15.000,00

613997	Izdatci za PDV	450.000,00
	UKUPNO	950.000,00

Član 22.

Visina dnevnica, naknada za putne i druge troškova koji nastanu u vezi sa službenim putovanjima za sve korisnike koji se finansiraju iz sredstava Budžeta određuje se na osnovu Uredbe o naknadama troškova za službena putovanja ("Službene novine Federacije BiH", broj: 44/16, a na osnovu člana 17. i 34. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", broj 45/10).

Obuka, seminari i vježbe u Civilnoj zaštiti finansirat će se iz namjenskih sredstava prema godišnjem Planu korištenja namjenskih sredstava za zaštitu i spašavanje u okviru pozicije 613900 Ugovorene usluge.

Utrošak namjenskih sredstava sa računa CZ realizirat će se na:

- Naknade povjerenicima MZ štaba CZ i radnim grupama za izradu planskih dokumenata u CZ u platit će se na teret pozicije 613900 shodno planu Utroška namjenskih sredstava CZ.
- Naknade komisijama sa pozicije 613900 ugovorene usluge, sa namjenskog računa i na prijedlog Službe civilne zaštite u skladu sa planom trošenja namjenskih sredstava CZ.
- Nabavke u svrhu opremanja struktura CZ po prijedlogu Službe civilne zaštite iz namjenskih sredstava a u skladu sa planom CZ za 2022. godinu.

Član 23.

Isplata plaća i naknada državnim službenicima, namještenicima i drugim angažiranim djelatnicima vršit će se putem tekućih računa otvorenim u poslovnim bankama.

Član 24.

Uposlenim, državnim službencima, namještenicima (uposleni općine Jajce) osiguravaju se sredstva za kolektivno osiguranje u skladu sa Zakonom o osiguranju imovine i osoba ("Službene novine Federacije BiH", broj: 2/95, 7/95, 6/98, 41/98 i 65/04).

Član 25.

Finansiranje korisnika koji su na 100%-om finansiranju vršit će se na teret granta planiranog korisniku na način:

- Obračun plata uposlenih vršit će se na osnovu pravilnika o plaćama i naknadama korisnika do visine planiranih sredstava,
- Obračun naknada u skladu sa zakonom o platama, topli obrok 1%, regres za godišnji odmor 50% prosječne neto plaće u FBiH u prethodnom kvartalu, prevoz u visini mjesečne cijene graskog prevoza nakon donešenog rješenja općinskog načelnika za ostvareno pravo i ostale naknade u skladu sa zakonom.
- Materijalni troškovi maksimalno do visine planiranih sredstava uz predhodno odobrenje od strane općinskog načelnika. Planiranje troškova i njihovo odobravanje vrši se mjesečno, budžetski korisnik ne može ugovarati rashode iznad odobrenog iznosa.

Sredstva utvrđena u ekonomskom kodu 614100 na pozicijama:

Član 26.

Raspodjela sredstava predviđenih u ekonomskom kodu 614116 na poziciji – Grant mjesne zajednice u iznosu od 75.000,00 KM utrošit će se na: Pomoć drugim općinama i gradovima iznos od 10.000,00 KM, zatim iznos od 35.000,00 KM raspodjelit će se linearno na MZ za pokriće troškova administrativnog funkcionisanja MZ i izradu godišnjih završnih računa za 2021. godinu koje su obavezne MZ podnijeti FIA do kraja Februara 2021. godine, a iznosu od 30.000,00 KM, podrška akcijama građana na provođenju akcija na putevima, akcijama vodosnabdjevanja i kanalizacija, te drugih organizovanih akcija građana. Isplata se vrši na osnovu zahtjeva MZ, na osnovu Zaključka donešenog od Općinskog načelnika o odobravanju sredstava po zahtjevu. MZ - primaoc sredstava dužna je dostaviti izvještaj o utrošku sredstava.

Pomoć drugim općinama	Pomoć gradu Petrinja- sanacija pos. zemljotresa	10.000,00
-----------------------	---	-----------

Redovno finansiranje MZ-a	Linearno MZ po zaključku Općinskog načelnika	35.000,00
Sufinansiranje akcija građana	Uz saglasnost i zaključak općinskog načelnika	30.000,00
UKUPNO:		75.000,00

Član 27.

Sredstva utvrđena u ekonomskom kodom 614121 na poziciji – “Grant za kulturu” u iznosu od 80.000,00 KM trošit će se za sufinansiranje:

Manifestacija - Dan općine	Organizacioni odbor	20.000,00
Druge manifestacije iz oblasti kulture	Uz saglasnost i zaključak općinskog načelnika	60.000,00
UKUPNO:		80.000,00

Isplata sredstava vršit će se za plaćanju računa nastalih troškova organizacije manifestacije Dan općine i na osnovu podnešenih zahtjeva korisnika, a po donešenom Zaključku o isplati od općinskog načelnika. Sredstva su namjenska, a korisnici su obavezni po utrošku istih dostaviti izvještaj o namjenskom trošenju.

Član 28.

Sredstva utvrđena ekonomskim kodom 614124- Grant za izbore 25.000,00 KM utrošit će se na finansiranje OIK Visinu naknade članovima OIK u utvrđuje općinski načelnik svojim Nalogom i druge potrebe OIK.

Član 29.

Sredstva utvrđena u ekonomskom kodu 614122 na poziciji – “Grant za sport” u iznosu od 220.000,00 KM rasporedit će se na:

R.Br.	Opis stavke	Iznos sredstava KM
1.	Sportskim klubovima	170.000,00
2.	Malonogometna liga	10.000,00
3.	Sportska rezerva općinskog načelnika	40.000,00
	Ukupno	200.000,00

Raspodjela sredstava namjenjenih sportskim klubovima vršit će se na osnovu kriterija o raspodjeli klubovima donešenim od komisije Sportskog saveza Općine Jajce. Rezerva će se trošiti za sportske manifestacije i posebne nagrade najistaknutijim sportistima i klubovima, a na osnovu ostvarenih rezultata, podnešenog zahtjeva i saglasnosti Općinskog načelnika. Isplata se vrši na osnovu Zaključka o isplati donešenog od načelnika općine. Korisnici sredstava dužni su dostavljati izvještaj o utrošku sredstava i isti će predstavljat uslov za slijedeće doznake.

Član 30.

Sredstva utvrđena na ekonomskom kodu 614125 – Grant za školstvo u iznosu od 15.000,00 KM;

Grant za srednje škole u iznosu od 5.000,00 KM, a osnovne škole 10.000,00 rasporediti će se na osnovu podnešenog zahtjeva i Zaključka o isplati Općinskog načelnika za:

- Nagrade učenicima (učenici generacije i druge nagrade) i druge aktivnosti škola

R.BR.	Opis stavke	Iznos
1.	Grant SŠ	5.000,00
2.	Grant OŠ	10.000,00
	Ukupno:	15.000,00

Član 31.

Sredstva predviđena na ekonomskom kodu 614100 na poziciji transfer za Turizam u iznosu od 100.000,00 KM, utrošit će se za poboljšanje turističke ponude općine Jajca i sufinansiranje projekata razvoja turizma i turističke ponude, te ulaganja u turističku infrastrukturu, uređenje turističkih objekata i manifestacija turističkog karaktera. Isplata se vrši po podnešenom zahtjevu uz saglasnost općinskog načelnika. Služba privrede, jedinica za lokalni razvoj i JU Agencija za kulturno povjesnu i prirodnu baštinu i razvoj turističkih potencijala Jajca izradit će plan utroška sredstava za turizam u skladu sa Strategijom razvoja općine.

Član 32.

Sredstva utvrđena u ekonomskom kodu 614171 grant za zdravstvo u ukupnom iznosu od 100.000,00 KM realizovat će se kroz:

- Grant Opća bolnica u iznosu od 50.000 KM utrošit će se s ciljem obezbjeđenja boljih uvjeta pružanja usluga građanima kroz nabavku opreme i rekonstrukciju objekata. Korisnik sredstava dužan je dostaviti izvještaj o utrošku namjenskih sredstava nakon utroška, a isti će predstavljati osnov za dalje doznake.

- Grant Domu zdravlja i Hitna medicinska pomoć u iznosu od 50.000 KM rasporedit će se kao pomoć od strane osnivača u stvaranju boljih uslova rada Doma zdravlja u pružanju usluga građanima. Korisnik sredstava dužan je dostaviti izvještaj o utrošku namjenskih sredstava nakon utroška, a isti će predstavljati osnov za dalje doznake. Isplate se vrše na osnovu podnešenog zahtjeva i zaključka općinskog načelnika o visini odobrenih sredstava.

Član 33.

Grant JU Centar za socijalni rad Jajce u iznosu od 360.000,00 KM utrošit će se za finansiranje ukupnih troškova JU, isplatu materijalnih troškova, plata, doprinosa i naknada uposlenih u skladu sa pravilnikom o platama i naknadama i zakonom o porezu na dohodak te materijalnih troškova shodno odobrenju općinskog načelnika.

Sredstva utvrđena u ekonomskom kodu 614200 na pozicijama

Član 34.

“Grantovi pojedincima (materijalno-socijalna i zdravstvena pomoć)” ek. kod 614229 u iznosu od 174.000,00 KM utrošit će se za:

Pomoć za prvo stambeno zbrinjavanje	100.000,00
Grant pojedincima soc. materijalna i zdravstvena zaštita	64.000,00
Pomoć za projekte Roma	10.000,00
UKUPNO	174.000,00

Grant za pomoć prilikom prvog stambenog zbrinjavanja (kupvinom ili gradnjom) u iznosu od 100.000,00 KM za prvo stambeno zbrinjavanje građana utrošit će se na osnovu programa i kriterija donešenih od strane općinskog vijeća.

Grant za socijalnu, materijalnu i zdravstvenu zaštitu u iznosu od 64.000,00 KM utrošiti na:

- 20.000,00 KM pomoći porodicama oboljelim i socijalno ugroženim, i druge socijalne potrebe građana na prijedlog centra za socijalni rad posredstvom kojeg će se realizirati isplata sredstava korisnicima.
- 5.000,00 Udruženju penzionera za podršku članova u socijalnom statusu i druge potrebe udruženja
- 10.000,00 KM za podršku vantjelesnoj oplodnji u iznosu od 2.000,00 KM po korisniku, a sredstva će se realizirati posredstvom centra za socijalni rad po dostavljenom zahtjevu i liječničkoj dokumentaciji. Isplata se vrši na osnovu zaključka općinskog načelnika.
- 4.000,00 KM-Posjeta socijalno ugroženim i bolesnim porodicama za vjerske blagdane
- 9.000,00 KM- Pomoć humanitarnim organizacijama za nabavku prehrambenih poroizvoda.
- 4.000,00 KM-Pomoć za sufinansiranje nalaza Mamografije i PAPA testa na zahtjev pojedinca uz kordinaciju udruženja građana Nada,
- 2.000,00 KM Udruženju Dijabetičara namjenski za nabavke materijala za provođenje aktivnosti kontrolnih mjerenja šećera,
- 10.000,00 KM pokriće dijela troškova doma zdravlja za angažman logopeda.

Grant za projekte poboljšanja uslova života Roma u iznosu od 10.000,00 KM namjenjena za poboljšanje uslova života romskih porodica.

Korisnici sredstava “Nada”, “Udruženje dijabetičara”, humanitarne organizacije i dom zdravlja, za namjenska sredstva obavezni su dostaviti izvještaj o utrošku namjenskih sredstava. Isplate se vrše na osnovu zahtjeva korisnika i zaključka općinskog načelnika o visini odobrenih sredstava.

Član 35.

Grant – 614232-Program za projekte boračkih populacija u iznosu od 170.000,00 KM rasporedit će se po prijedlogu udruženja proisteklih iz odbrambeno-oslobodilačkog rata. Udruženjima za funkcionisanje raspodjelit će sredstava u iznosu od 70.000,00 KM za potrebe finansiranja rada udruženja, i za potrebe finansiranja značajnih datuma oslobodilačkog rata iznos od 20.000,00 KM, a

30.000,00KM za finansiranje tehničkih sekretara posredstvom udruženja kod kojih su prijavljeni uposlenici. Sredstva će se isplaćivati donošenjem Zaključka o isplati od općinskog načelnika u skladu sa podnešenim zahtjevom. Za potrebe pomoći u liječenju i odlasku na liječničku komisiju izdvaja se iznos od 50.000,00 KM, a isplaćivat će se donošenjem Zaključka o isplati od općinskog načelnika posredstvom boračkog udruženja koje odredi komisija. Sredstva su namjenska, a korisnik je obavezan dostavljati izvještaj o utrošku, a isti će predstavljati osnov za sljedeće doznake.

Član 36.

Grant za stipendiranje - ekonomski kod 614234 u iznosu od 175.000,00 KM utrošit će se na stipendije za školsku 2021./2022. godinu za studente i učenike srednjih škola posebnih zanatskih zanimanja, jednokratne pomoći studentima i učenicima koji nisu ostvarili pravo na stipendiju, te podršku posebno nadarenim učenicima i studentima. Dodjela stipendija će se izvršiti po Javnom pozivu koji će sprovesti Komisija imenovana od strane općinskog Načelnika, a na osnovu kriterija koje je donijelo Općinsko vijeće Jajce, a sredstva namjenjena za jednokratne pomoći i prevoz srednjoškolcima na osnovu podnešenog zahtjeva uz saglasnost općinskog načelnika, donošenjem Zaključka o isplati.

Član 37.

Grant - 614239 – pomoć pojedincima u iznosu od 130.000,00 KM realizovat će se za:

- sufinansiranje projekata povećanja energetske efikasnosti u privatnom i kolektivnom stanovanju i ugradnja doniranog materijala domaćih i stranih donatora u iznosu od 40.000,00KM. Kriterije o raspodjeli donosi općinski načelnik.
- pomoć majkama za novorođene bebe” u iznosu od 90.000 KM realizirat će se za pomoć majkama porodiljama za paket opreme za novorođenče. Uslovi za ostvarivanje prava ostvaruju se dokazom o prebivalištu majke na području općine Jajce i podataka iz matične evidencije općine Jajce o upisu novorođenog djeteta i to jednokratno u iznosu 500,00 KM za prvo rođeno dijete, drugorođeno dijete 700,00KM, a treće i svako sljedeće dijete 1.000,00KM. Za bebe rođene izvan područja FBiH podnosilac zahtjeva je dužan dostaviti dokaz da nije ostvario bilo kakvo pravo po istom osnovu u mjestu ili državi rođenja djeteta.

Član 38.

Sredstva na ek. kodu 614241- grant za zaštitu i spašavanje u iznosu od 50.000,00 KM utrošit će se za:

- Grant prirodne i druge nepogode 614241 u iznosu od 50.000,00 KM utrošit će se za sanciju posljedica prirodnih i drugih nepogoda, te brze intervencije po prijedlogu CZ uz saglasnost općinskog načelnika.

Član 39.

Sredstva utvrđena u ekonomskom kodu 614300 na pozicijama:

Sredstva na ekonomskom kodu 614311 u ukupnom iznosu od 130.000,00 KM utrošit će se za:

- Grant Javna kuhinja u iznosu od 30.000,00 KM za sufinansiranje troškova Javne kuhinje u ishrane socijalno ugrožene kategorije stanovništva, a realizovat će se putem OO Merhamet Jajce.
- Grant Crvenom križu u iznosu od 15.000,00 KM. Isplata se vrši po podnešenom zahtjevu korisnika i donešenom zaključku općinskog načelnika.
- Sredstva u iznosu od 50.000,00 KM – Grant za sufinansiranje projekta međunarodnih organizacija (IFAD, UNDP, MUSLIM AID-a i drugih) realizovat će se kroz zajedničko ulaganje u projekte na području općine Jajce.
- Sredstva utvrđena na ekonomskom kodu: 614311, Podrška radu dječijeg vrtića - igraonice Emina u iznosu od 30.000,00 KM utrošit će se na finansiranje dijela troškova i održavanje funkcionisanja dječije igraonice.
- Sredstva u iznosu od 5.000,00 KM utrošit će se za sufinansiranje troškova muzeja u samostanu S.Luka. Isplata se vrši po podnešenom zahtjevu korisnika i donešenom zaključku o isplati općinskog načelnika. Sredstva su namjenska, a korisnik je obavezan dostavljati izvještaj po utrošku istih.

Član 40.

Ekonomski kod 614319, Grant vjerskim zajednicama u iznosu od 50.000,00 KM kao pomoć izgradnje i održavanja vjerskih objekata rasporediti vjerskim zajednicama općine Jajce u iznosima:

- IZ Jajce 22.500,00 KM,
- ŽU-Crkva Uznesenja blažene djevice Marije Jajce 10.000,00 KM,
- ŽU-Crkva sv. Ivana Krstitelja u Podmilačju 10.000,00 KM,
- Samostan časnih sestara u Jajcu 2.500,00 KM,
- Pravoslavna crkvena općina iznos od 5.000,00 KM.

Sredstva su namijenjena za pomoć u radu vjerskih zajednica i izgradnju vjerskih objekata. Realizacija sredstava vršit će se posredstvom VZ ili posredstvom MZ na čijem području se nalaze vjerski objekti u koji se ulažu sredstva. Sredstva se odobravaju po podnešenom zahtjevu, na osnovu Zaključka općinskog načelnika. Korisnici sredstava dužni su dostaviti izvještaj o utrošku namjenskih sredstava po utrošku ili krajem fiskalne godine.

Član 41.

Ekonomski kod 614323-Grant parlamentarnim grupama u iznosu od 105.000,00 KM rasporedit će se tako da: 30% sredstava od predviđenog iznosa ide parlamentarnim grupama u jednakim iznosima, 60% srazmjerno broju vijećnika svake parlamentarne grupe i 10% srazmjerno broju vijećničkih mjesta koja pripadaju manje zastupljenom polu („Službeni glasnik BiH“, broj 22/00 i 102/09) Općinska izborna komisija utvrđuje koji je spol podzastupljen prema zvaničnim rezultatima izbora. Korisnici sredstava dužni su kvartalno dostavljati izvještaj o utošku namjenskih sredstava, a isti će predstavljati osnov za sljedeće doznake. Isplata se vrši po donešenom Zaključku o isplati od općinskog načelnika.

Član 42.

Grant- udruženjima/udrugama u planiranim iznosima u iznosu od 45.000,00 KM trošit će se na:

Ek. Kod	Naziv ekonomskog koda	Iznos u KM
614324	Transfer udruženjima - po javnom pozivu općine za projekte NVO-a	10.000,00
	- po javnom pozivu općine za NVO-a mlade	10.000,00
	- Udruženju Vodopad Ljubavi	10.000,00
	- Udruženju Preporod	5.000,00
	- Udruženju Napredak	5.000,00
	- Udruženju Limena glazba	5.000,00
	U K U P N O:	45.000,00

Član 43.

Sredstva utvrđena u ekonomskom kodu 614329 na poziciji – “Grant zajednička komunalna potrošnja” u iznosu od 1.560.000,00 KM trošiti će za:

- I – Redovna komunalna potrošnja;.....950.000,00 KM
- Program zajedničke komunalne potrošnje – “Program ZKP” 600.000,00 KM
 - Plaćanje utroška električne energije i održavanje javne rasvjete, 180.000,00 KM
 - Ostala komunalna potrošnja 170.000,00 KM
- II –Održavanje lokalnih puteva u ukupnom iznosu od 600.000,00 KM
- Program održavanja lokalnih puteva
 - Zimsko održavanje lokalnih puteva
- III –Održavanje zajedničkih dijelova zgrada:10.000,00 KM
- plaćanje računa upravitelja za objekte u kojima općina posjeduje stambene ili poslovne prostore, te druge potrebe za obaveze zajedničkih dijelova zgrada u kojima općina posjeduje stambene ili poslovne dijelove i održavanje zgrade kolektivnog smještaja u ul. Ive Andrića.

Član 44.

614400 – Grantovi javnim organizacijama

Grant ekonomski kod 614411 u iznosu od 1.020.000,00 KM biće utrošen na:

JU Dom kulture Jajce		170.000,00
JU Agencija za kulturno istorijsko naslijeđe		100.000,00

JU Muzej drugo zasjedanje AVNOJ-a	70.000,00
JP RTV Jajce	80.000,00
JU Dječiji vrtić Bare Jajce	225.000,00
Općinsko Javno Pravobranilaštvo	105.000,00
JU Sport i rekreacija	120.000,00
JKP Čistoća i zelenilo	100.000,00
JKP Vodovod i kanalizacija	50.000,00
Ukupno:	1.020.000,00

Sredstva na ekonomskom kodu 614411, doznačavat će se na osnovu zahtjeva korisnika u tranšama na osnovu zaključka općinskog načelnika, a primaoc je obavezan dostavljati izvještaj o utrošku istih.

Član 45.

Sredstva predviđena na ekonomskom kodu 614419 na poziciji Transfer za podsticaj i razvoj poljoprivrede u iznosu od 500.000,00 KM realizirat će se:

- u skladu sa programom i kriterijima usvojenim od strane Općinskog vijeća, a po raspisanom Javnom pozivu od strane općinskog načelnika.

Član 46.

Sredstva predviđena na ekonomskom kodu 614439 na poziciji Transfer-poticaji za zapošljavanje od 170.000,00 KM realizirat će se na sljedeći način:

- 100.000,00 KM; kroz program zapošljavanja mladih u skladu sa usvojenim Programom i na osnovu javnog poziva za biznis ideje, te kroz samozapošljavanja u zanatskim i poljoprivrednim obrtima u skladu sa Odlukom o kriterijima usvojenim od strane Općinskog vijeća i po objavljenom Javnom pozivu od strane općinskog načelnika za 2022. god,
- 20.000,00 KM Centar za obrazovanje i druženje –po ugovor za održavanje biznis centra Općine Jajce.
- Sufinansiranje kamata u iznosu od 50.000,00 KM za kredite u privredi s ciljem održivosti i povećanja uposlenosti i prenešene obaveze po odobrenim kreditima po ugovoru sa bankom.

Član 47.

Doznaka sredstava utvrđena ekonomskim kodovima: 614100; 614200; 614300 i 614400 vršit će se srazmjerno punjenju budžeta/proračuna u fiskalnoj godini, a neizvršeni dio planirane obaveze ne prenosi se kao obaveza budućeg perioda. Sredstva planirana za korisnike na 100% finansiranju izvršavat će se shodno odobrenim rashodima od strane općinskog načelnika, a maksimalno do planiranog iznosa, eventualno nedostajuća sredstva pokrit će se iz budžetske rezerve uz saglasnost općinskog načelnika, a ostvarene uštede ostaju u budžeta općine Jajce.

Član 48.

614800 – Ostali transferi/grantovi

Sredstva na poziciji Ostali grantovi u iznosu od 95.000,00 KM utrošiti će se za:

- 614 817- plaćanje obaveza po sudskim presudama u iznosu od 10.000,00 KM,
 - 10.000,00 KM prema potpisanim sporazumima sa općinskim načelnikom s ciljem oslobađanja zateznih kamata.
- 614819- naknada za potpunu eksproprijaciju zemljišta i nepotpunu eksproprijaciju u cilju naknade šteta nastalih izvođenjem radova u iznosu od 70.000,00 KM nakon potpisanih sporazuma o visini naknade.
- 614811- za povrat više ili pogrešno naplaćenog prihoda 15.000,00 KM

Član 49.

615100 –Kapitalni transferi drugim razinama vlasti – MZ

Sredstva na ekonomskom kodu 615116 u iznosu od 235.000,00 KM utrošit će se na:

R.Br.	Opis pozicije	Iznos KM
1.	Rekonstrukcija objekata kasarne Kamenice - namjenska sredstva	25.000,00
2.	Izgradnja društvenog doma na Vlasinju – namjenska sredstva	160.000,00
3.	Održavanje i popravke oštećenja na spomenicima kulture	50.000,00
UKUPNO:		235.000,00

Član 50.

616300 - Kamate na domaća pozajmljivanja-primici od domaćeg zaduživanja

Sredstva na ekonomskom kodu 616331 u iznosu od 140.000,00 KM kamate na kredite EIB i RB.

KAPITALNI IZDACI

Član 51.

Sredstva utvrđena u ekonomskom kodu 821300 Nabavka opreme u iznosu od 55.000,00 KM utrošiti će se na:

- nabavku opreme i namještaja za OV i općinske službe,
- nabavku opreme za potrebe civilne zaštite i vatrogasne jedinice

Član 52.

Sredstva na ekonomskom kodu 821200; 821500; 821600 utvrđena za “**kapitalne izdatke**” koristit će se za realizaciju kapitalnih projekata u skladu sa Zakonu o javnim nabavkama Bosne i Hercegovine, Odluke Općinskog vijeća o kategorizaciji lokalnih puteva, utvrđenih projekata i drugih propisa, a uz saglasnost Općinskog načelnika.

Član 53.

Sredstva na e.k. 821210- općinski objekti u iznosu od 270.000,00 KM planirana su za plaćanje godišnje obaveze kupovine stadiona Mračaj.

Član 54.

Sredstva na e.k. 821213 - Općinski objekti ostale građevine u iznosu od 40.000,00KM planirana su za nastavak sancije gradskog groblja Kravlje kože.

Član 55.

Sredstva utvrđena u ekonomskom kodu 821221 na poziciji – “Sanacija i rekonstrukcija javne rasvjete ” u iznosu od 270.000,00 KM planirana su za izmirenje obaveza iz ugovora o zamjeni postojeće rasvjete LED rasvjetom po ugovoru iz 2020. godine u iznosu od 270.000,00 KM

Član 56.

Sredstva na e.k. 821222 u iznosu od 80. 000,00 KM planirana su za ulicu Stjepana Tomaševića-namjenska sredstva

Član 56 a .

Sredstva u iznosu od 5.000.000,00 KM iz primljenog kredita u 2021. godini , kreditnih sredstava RB planirana su za nastavak sanaciju i izgradnju lokalnih puteva shodno potpisanim ugovorima u 2021. godini:

Odobreni kredit	5.000.000
Izgradnja mosta Mračaj	900.000
Sanacija lokalnog puta Barevo - Vlasinje	700.000
Sanacija lokalnog puta Biokovine	300.000

Sanacija lokalnog puta Šerići	200.000
Sanacija lokalnog puta Zdaljevac	100.000
Sanacija lokalnog puta Cvitović	70.000
Sanacija lokalnog puta Bešpelj	250.000
Sanacija lokalnog puta Bistrica	60.000
Sanacija lokalnog puta Mile	250.000
Sanacija lokalnog puta Vrbica	150.000
Sanacija lokalnog puta Carevo Polje	200.000
Sanacija lokalnog puta Bulići	250.000
Sanacija lokalnog puta Vinac	400.000
Sanacija lokalnog puta Klike	150.000
Sanacija lokalnog puta R413b - Podlipci - Lendići	250.000
Sanacija lokalnog puta Smionica - Vukićevci	200.000
Sanacija lokalnog puta R413b - Bare	150.000
Sanacija lokalnog puta Podmilačje	100.000
Sanacija lokalnog puta Bravnice	100.000
Sanacija lokalnog puta Magarovci	70.000
Sanacija lokalnog puta Klimenta - Peratovci	150.000

Član 57.

Sredstva utvrđena u ekonomskom kodu 821224 na poziciji – “Vodovod i kanalizacija ” u iznosu od 50.000,00 KM planirana su realizaciju projekata lokalnih vodovoda:

- Kanalizacija C. Polje u iznosu od 14.000,00 KM namjenska sredstva
- Intervencije po ukazanoj potrebi na kanalizacijama drugih MZ 36.000,00 KM

Član 58.

Sredstva utvrđena u ekonomskom kodu 821521 na poziciji – “izrada prostornoplanske dokumentacije ” u iznosu od 20.000,00 KM planirana su realizaciju projekata izlaganja podataka katastra i ugovora sa geodetskom FU.

Član 59.

Sredstva na ekonomskom kodu 823331 u iznosu od 540.000,00 KM namjenjena su za otplatu glavnice kredita EIB u iznosu od 50.000,00KM i kredita RB u iznosu od 490.000,00 KM.

Član 60.

Projekat Watsan nastavlja se realizirati sredstvima kredita EIB kao i sredstvima nepovratnih grantova dobivenih za ove namjene po prijavama na javne pozive za dodjelu sredstava u raspoloživim iznosima.

Član 61.

Javne ustanove, Javna preduzeća i drugi korisnici budžetskih sredstva budžeta/prorčuna općine dužni su najmanje jednom tromjesečno dostaviti izvještaj o namjenskoj upotrebi primljenih sredstava, kao i o postignutim rezultatima iz aktivnosti koje su tim sredstvima finansirane, nadležnoj općinskoj službi, a obavezno na kraju godine za cijelu godinu.

Ako se u roku ne podnese izvještaj o namjenskom utrošku sredstava općinski načelnik može donijeti odluku o prestanku odobravanja i isplate po novim zahtjevima.

V ZAVRŠNA ODREDBA

Član 62.

Ova odluka stupa na snagu danom donošenja, a objavit će se u “Službenim novinama općine Jajce”, a primjenjivat će se na fiskalnu 2022. godinu.

